

1 Tesalonaika

Pâlaŋ Tesalonaika am ekŋengat zapat meluwaŋ ŋeŋaŋ kapi kumti beme mege

Pâlaŋ zapat meluwaŋ kapi kukŋaŋgat kuye. Egaŋ Kolin mka temaŋ tati Tesalonaika dampaŋge ekŋengat zapat meluwaŋ kapi kumindaye. Kolinmak Tesalonaika mka temaŋ zut ke msat temaŋ kwepgat keŋan talip. Loma gapmangalen plowins ikŋak ikŋak. Kolinaŋ Akaia plowinsyet keŋan tazin ma Tesalonaikayaŋ Masodonia plowinis keŋan tazin. Kegogapmti Pâlaŋ Kolin mka temaŋ tati zapat meluwaŋ kapi kumti Tesalonaika dampaŋge ekŋenmagen beme mege. Tesalonaika mka temaŋ ke nambu gazenan matazin. Zuda am isikŋaŋ bukŋen mme penaŋ msat mtoŋ Glis am. Tesalonaika mkaen Zuda am ekŋengalen sesewat mka tage keyepmti Pâlaŋ Zisasiyaŋ gakimti wageyelen zet zapaŋnaŋ ke met diindome kumâpme Tesalonaika mka pemti Belia mkaen towepme mâtoti mâpme Aten mepmamtan (Nembayelen Muluwin 17:1-14).

Pâlaŋ zapat meluwaŋ kapi yaŋaŋ kulekiyet kuye? Egaŋ Tesalonaika dampaŋge ekŋenmak belaknik bukŋen tati koge yaŋgut Pâlaŋ ekŋengat kembenj mtiyepm zapat meluwaŋ kapi kumindain. Ekŋenaŋ amnaŋ ek ku mâbien sepem keboŋ ke amnaŋ ekŋen indomâpme keyet nâmnukŋaŋ ku mbep nâmtiyepm kumindaye. Ekŋenaŋ nâmkŋepepeyen alakŋati kobien keyepmti zemgwaŋnaŋ zet notnaŋ mimindaye. Zisasiyaŋ sakwep kokogalen zet ke bukŋen tembenik zapat meluwaŋ kapiyet kumindamti zemâtâtât omba penaŋ mge.

Zet ŋotekŋaŋ temaŋ kapigogaŋ 1 Tesalonaika zapat meluwaŋ keŋanen talip:

1:1 Pâlaŋ dampaŋge indamukuye

1:2-3:5 Pâl Zisasiyaŋ mulup sasaŋaŋ ke mimiyelen zemâtâtât zet notnaŋ kuye

3:6-13 Pâlaŋ ekŋengalen nâmkŋepepeŋin ma notn notn mamayet tikŋaŋin omba tatindaye keyet zemsesewatindaye

4:1-12 Pâlaŋ mama mimi dolakŋaŋ mimiyet zemgwaŋnaŋ mge

4:13-5:11 Pâlaŋ msatmak kululuŋ asekmalu menok sambe sokbewe keyet zetnaŋ zeye

5:12-28 Pâlaŋ an kwep kwep mukumindemâge

Zet yaŋbemzenzeyelen zet

1 ¹Neŋmak Silwanusmak, Timoti, nsakwep kapi tati zapat meluwaŋ kapi Kawawaŋ Bipm ma Amobotnaŋ Zisas Kilaisiyelen am maŋge Tesalonaika mka teman talip ingat kumti bemann kozin. Ma egelaŋ in keŋ taolet ma keŋ sewakŋaŋ mimindandayet nâmti mandundunup.

Tesalonaika am ekŋengalen nâmkŋpepeŋinaŋ am notnaŋ melaŋ belâŋ bemindeye

²⁻³Mti nin Bipm Kawawaŋmagen nâmkŋpemti kwitnaŋ kwitnaŋ dolakŋaŋ sambe mamimelip keyet maotnâmindenup. In Kawawaŋgalen am maŋge ekŋenmagen mulup windenaŋberj mti Amobotnaŋ Zisas Kilais kokogat penaŋ webemti matalip keyepmti nin mandundunup kataŋ ingat nâmti Kawawaŋgat wisikŋ manzenup. ⁴Kilaismagen dapmeniŋne in kapigok nâit, Kawawaŋaŋ ingat keŋaŋ temaŋ beme ikŋaŋgat zapat penaŋ indaombemindeye. ⁵Nin inmagen Kawawaŋgalen Zet Zapat Dolakŋaŋ Penaŋ mti kobenn ke wan am ŋengalen zet belakŋaŋ yek. Zet ke Emetak Teŋmak ma windenaŋmak e penaŋ ekmâtâpmann delaŋ zeme ingat tuŋguwinan kopmamti indamukulem mti mambenn keyet yaŋaŋ ilin nâmnâdeip. ⁶In buŋam zapat timkitikpemti nin ma Amobotnaŋ ikŋaŋ ndapmâti mambien kan keyet nukŋaŋ sambe penaŋ amnaŋ ingat palen bewien. Yaŋgut keyet keŋaŋ Emetak Teŋaŋ keŋin mme oloŋen etaŋ bemâbien. ⁷Âpme in mama mimiŋin dolakŋaŋ ke mme am Masedonia msalen ma Akaia msalen am nâmkŋpepemak mamaip ekŋenaŋ in indikti ingalen set dolakŋaŋ keyegak mâti mbien. ⁸Wa in nâme Masedoniamak Akaia msalen ke meti Kilaisiyelen mulup mbien ewan msat zut ke etaŋ ku tage nâmkŋpepeŋinaŋgat zapatnaŋaŋ msat sambe bee mekopme am sambeyaŋ nâme delaŋ zemâge. ⁹Nin inmagen kobenn kan keyet in mukulem dolakŋaŋ mimndawien ma nin zet zemann nânâŋak keyegak nopiom notnaŋ sambe masesewatsamtemien e peme tapme Kawawaŋmagen koti Kawawaŋ alik main ma ek penaŋ sukwep tazin ek masesewatsaip. ¹⁰Kegok mti Kawawaŋgat Nemuaŋ Zisas kululuŋengatnaŋ gilik zemti kobe keyet damuŋ matalip. Ek Bipmaŋaŋ gakikiengatnan buteme wati moge. Nin ekmak watekumti manup keyet mti ninmagen Kawawaŋgalen weŋbowaŋ ku sokbewe.

Pâliyaŋ Tesalonaika amgat tuŋguwinan mamti mulup mge

2 ¹Kilaismagen notnne, nin inmagen ke kot lueŋset mamtemen ke wa belak penaŋ ku mambenn. Nin mulup ingat tuŋguwinan mbenn eyet penaŋaŋ sokbeye. Keyet yaŋaŋ ilin ŋep nâmtalip. ²Pilipai am ekŋenaŋ kasa ŋenzinziŋ minndame keyet keŋaŋ nâmisim mamti mulup mbenn e ilin nâip. Yanaman inmagen kegoak mulup mmann am notnaŋaŋ kasa

ŋenzinziŋ minndame keyet keŋan Kawawaŋaŋ winde ndame epumti ingat tuŋguwinan ke mamti Kawawaŋgalen Zet Zapat Dolakŋaŋ Penaŋ diindowenn. ³Nin inimagen mulup kop mbenn ewan nin zet dâsuki diindomti imbiyet zikat ma tetimaemae mulup ku mbenn. ⁴Kawawaŋaŋ ikŋaŋ yaŋŋ minndigeyaŋ nin Kawawaŋgalen Zet Zapatnaŋ Dolakŋaŋ Penaŋ kapi ŋep zenzeyelen beme mulupmaŋ kapi ndaye. Keyepmti nin wa amnaŋ sekŋ mot ndendeyet nâmti ku maminup. Kawawaŋ ikŋaŋ etaŋ ningalen mulupgat oloŋen mimiyet nâmti maminup. ⁵In nâip, nin inimagen kobenn ke wan in mânep ndandayet nâmti zet kelakŋaŋ mimindasât ku kobenn. E Kawawaŋaŋ ke nâme egat zikatnan penaŋ zenup. ⁶⁻⁷Nin inimagen ma am notnaŋ ekŋenimagen kwizet buŋamak bembeyet ku manâmtemenn. Nin penaŋ Kilaisiyelen zemindendaŋ an manup keyepmti in kwizet buŋam temaŋ ndandayet nâmbenek benagen nin bewelep kwisak mimindamann in kwizet buŋam temaŋ ndawiek. Keyaŋgut nin inmak mambennen sewak sewak mamtemenn. Imbi ŋenaŋ nembraŋaneyet gogot mti indadamuŋ dolakŋaŋ mamin sepem kegok mimindati mambenn. ⁸Nin ingat tikŋaŋ penaŋ manâmindenupgapmti Kawawaŋgalen Zet Zapat Dolakŋaŋ Penaŋ inimagen zenzeyet tikŋaŋ kwapem penaŋ tatndain. Yaŋgut ke etaŋ yek. Nin ingat nâmtikŋaŋ mamimindenupgapmti ingapm sek sindem temaŋ matinup. ⁹Kilaisimagen notnne, in nin nnaŋgat sekŋ bandim mimiyelen mulup nukŋaŋ sambe tambuyet ma kasupgat mamtemenn keyet otnâit. Nin Kawawaŋgalen Zet Zapat Dolakŋaŋ Penaŋ inimagen manzemtemenn kan keyet in sek bandim kwileki ŋen ndandayet ku indawekuwan.

¹⁰Kegok mti nin Kilais nâmkŋipepeŋaŋ am ingat tuŋguwinan kwetetepmaŋ ma mama teŋ ma mimyungungupin mamamtemenn ke in ma Kawawaŋ ilinsakwep ningat mamannaŋgat yaŋaŋ ŋep nâmtâtndeip. ¹¹⁻¹²Nin nemba biwinaŋ nembraŋine indamukulem dolakŋaŋ mamimindeip. Sepem kegogak in an kwep kwep indamukulem mti keŋin mim eleŋ beleŋ bemindemti gwatnaŋ mimindewenn. In Kawawaŋgalen zemâtâtât katnanen mama ke ma mama kanzizit ego egoŋaŋmak ke motitiyet indazemtetime kobien. Keyet in mama mimi dolakŋaŋ Kawawaŋaŋ nâmtikŋaŋ maminen ke etaŋ mti mambep.

¹³Nin inimagen zet koti zewenn ke wa am ŋeniyelen zet yek e Kawawaŋgalen zet ke zemann in nâmti timkitikpewien keyepmti nin Kawawaŋgat wisikŋ manzenup. Keyepmti pigok zema nâit: Kawawaŋaŋ am nâmkŋipepemak ingat keŋinan mamti mulup mamin. ¹⁴Kilaisimagen notnne, nâip. Kawawaŋgalen dapmelange Zudia msalen mamaip ekŋenaŋ Zisas Kilaismak metusumti mame ilinaŋgat noline ekŋenaŋ kasa ŋenzinziŋ miindamti indomwalet mbien. Sepem kegogak inimagen sokbemindaye. ¹⁵Zuda am ekŋenaŋ wan nin Kawawaŋgalen mulup kapi mmann egaŋ nâmdeme dolakŋaŋ tabeinmak zemtati mamti Amobotnaŋ

Zisas ma Kawawaŋmagen zet mti zenze an indomti eyetnan suluŋ tapme am belakŋaŋ notnaŋ timtoindemti nin mee pi sisipeŋpeŋ minndamti ndapmâtîmâtî maminndeip. ¹⁶Mti am Zuda maŋgeen ku sokbembenaŋ ekŋenmagen Kawawaŋgalen Zet Zapat Dolakŋaŋ Penaŋ diindomann nâmti Kawawaŋmagen keŋ gilik zenze aiikgalen eyo mambekekndeip. Ekŋenaŋ kegok mti yom mti mimiek mamkwatnepeme Kawawaŋgalen ŋenzinziŋaŋ sokbemindaye.

Pâliyaŋ keŋaŋ temaŋaŋ ewe Tesalonaika am met indidigat manâmtan

¹⁷Kilaismagen notnne, inmak kan belatnik kapi segaŋ etaŋ kalaŋ mekoti manup. Âpme nânânaŋ in ku katimindewenn. Keyepmti nin set zigoset aikti kot indiksenup zemti mulup temaŋ maminup. ¹⁸Nin ŋep penaŋ kot indikbenakgalenaŋgut kan notnaŋgat kosât mmann Sadaŋaŋ mambekekndein. Âpme nenn penaŋ kan notnaŋgat nenak etaŋ inmagen kokogalen penaŋ manembemtan. ¹⁹Nin msalen pi alik mamti inmagen mulup sek sindem ke yaŋaŋ kwilekiyet matinup? Amobotnaŋ Zisasiyaŋ kobe kan keyet inmak nin nsakwep egat zimosetnan lindiŋ motati in ningat keŋŋ mme oloŋen bewe ma nin mulup mbenn keyet penaŋaŋ in motapme indikbanup keyet nâmti webepenŋ mamanup. ²⁰Ingapmti nin segeyak mti keŋŋ oloŋen mamnup.

3 ¹Keyepmti nin ingat keŋ sindem ke tetak ku nânâyelen nâmtiyeppm neŋmak Silwanusmak kapigok nâmtalati nit ndak Aten mka teman tati ²nit Timoti Kilaismagen meniŋnit ek nitmak Kawawaŋgat mulup mamnup ek pemalu eweŋan inmagen koge. Egaŋ Kilaisiyelen Zet Zapat Dolakŋaŋ Penaŋ mampalakŋaŋ bein kogogapmti egaŋ indamukulem mme Kilaismagen nâmkîŋpepeŋin windenaŋbeŋ ŋep butem wat indendeyelen mulupmaŋ mge. ³Kogogapm inmagengatnaŋaŋ kukŋaŋ palen tati gilik pemti naman mamaŋin itnaŋan ku mebeŋ. In nâmtalip kukŋaŋ keboŋ kapi Kawawaŋaŋ nin titiyet nâmti bempaye. ⁴Nin in eweŋan amnaŋ sisipeŋpeŋ mimindawep e mandiindomtemenn. Keyet kataŋ masokbemindamkwazin e in nâip. ⁵Âpme neŋ ingat keŋ sindem tetak ku nânâyelen nâmti keyepmti Timoti inmagen pema nâmkîŋpepeŋinaŋgat yaŋaŋ eegalen koge. Mneti Sadaŋaŋ tetimindeme ningalen mulup belak penaŋepiŋ benakgapmti ek pema koge.

⁶Keyaŋgut Timotilak ninmagen gilik pem koti ingalen nâmkîŋpepeŋin ewe tapme nolinaŋgat keŋin mambein keyet zapatnaŋ ilak minndame nâmbenn. Nin inmagen mulup pembedaŋ mbenn ke nâmti in kot ndidikgalen manâip nin sepem kegogak imkot indidikgalen manânap. ⁷Kilaismagen notnne, ninmagen nukŋaŋ ma sisipeŋpeŋ kogein ingalen nâmkîŋpepeŋin ewe kaliŋaŋ tazin keyet zapatnaŋ nâmbenn keyaŋ keŋŋ m elenŋ belanŋ bemndeye. ⁸In Amobotnaŋmak penaŋ wetekumti ewe mamambep beme nin keyaŋ keŋŋ m elenŋ beleŋ bemndeme nin

nukŋaŋ sambe e ɲep timann dukŋnanen mopme mulup nâmisimti mbanup. ⁹Nin mulupmnaŋgat penanŋ in sokbewien ke nâmti keŋŋ segeyegaŋ bemisikme oloŋen palen tati Kawawaŋgat wisikŋ manzenup. ¹⁰Nin tambu msa pi Kawawaŋaŋ set ɲen aikndame in ewe kot indikti nâmkɲepepeŋinan nukŋaŋ ɲen taindain beme ke ekti indamukulem mimiyet nâmti dundundu mulup katikŋaŋ maminup.

¹¹Kawawaŋ Bipm ikŋaŋ ma Amobotnaŋ Zisasiyaŋ set ɲen weyaŋme inimagen kokogalen nâmti mandundunup. ¹²Nin Amobotnaŋaŋ indamukulem mimindeme tunŋuwinan ma am notnaŋ ekŋenmak gogot palenegak etaŋ mamayet nâmti mandundunup. Sepem kegogak nin ingat gogot mimindamti manup ¹³Kegok mme Amobotnaŋaŋ gwatnaŋ mimindeme tapmetnepeme Amobotnaŋ Zisasiyaŋ gilik zem koti am egalen bemberaŋ indatimkobe kan keyet in Kawawaŋ Bipmgaŋ ɲenzimosetnan keŋin kwetetepmaŋ ma yompiŋ piyaŋ motabepgat nâmti mandundunup.

Amnaŋ mama dolakŋaŋ mamayet Kawawaŋaŋ nâme tikŋaŋ mambein

4 ¹Pinan kwileki ɲengat kumindasowap. Kilaismagen notnne, in nin mama mimi dolakŋaŋ Kawawaŋaŋ nâmtikŋaŋ mammnen keyet yaŋaŋ zikat indamann ekbien. Ke mâti mamip. Kegogapmti Amobotnaŋ Zisasiyet pemberaŋgapm mama mimi dolakŋaŋ kapi tusumti ewe penan mimiyet nâmti meluwaŋ mimindanup. ²In zet zemzikat indam mbenn e Amobotnaŋ Zisas ikŋaŋgalen zet penan e in nâip. ³Kapi Kawawaŋaŋ in mimiyelen nâmtikŋaŋ mamm ma egaŋ in imbimak set kileŋ mamaŋiŋ kwetetepmaŋ penan mamayet manâin. ⁴Keyet mti an kwep kwewaŋ imbi wasâti Kawawaŋgalen seleset dolakŋaŋ maip sepem kegogak imbi kwep wati egat nâme mobotnaŋ beme mukulem mpemambe. ⁵Mamti in am Kawawaŋ ku manâmkɲipeip ekŋenaŋ imbiyet eyak mti set kileŋ mamaipnok ku mambep. ⁶Nin eweŋan Kawawaŋgalen nânâ tazin ke mâti pigok diindowenn. An ɲenaŋ an ɲeniyet imbiŋaŋ menzem wabe beme Amobotnaŋaŋ an keyet yomaŋgat dopmaŋ mobotnaŋ penan mutumsawe. ⁷Kawawaŋaŋ nin imbimak sek kileŋ mamayet ku ombemndeye egaŋ ikŋaŋ mama mimi nâme dolakŋaŋ mambein ke mti teŋ mamayet ombemndeye. ⁸Keyepmti an ɲenaŋ zet ke zemtalabe beme egaŋ amgat ku zemtalabe Kawawaŋaŋ Emetak Teŋaŋ manndain egat zemtalabe.

⁹Keyepmti in Kilaismagen noline ekŋengat keŋin bembe keyet nin zemâtâti meluwaŋ ku kumindandayelen. Noline tunŋuwinanen mamaipgat keŋin bembe nânâ ke Kawawaŋaŋ ikŋaŋ eweŋan keŋinan baen bempeye. ¹⁰Penan sukwep, nolinangat keŋin bembe nânâ ke in keŋinan tazin keyet mti in am Kilais nâmkɲipepeŋaŋ Masedonia msat kataŋ mamaip ekŋen indamukulem mimindewien keyepmti Kilaismagen notnne in mama mimi dolakŋaŋ kapi ewe weyaŋ tusum mimiyelen nâmti

Amobotnan gilik zemkopme kwitnan kwitnan kapigok sokbewe

¹⁵ Zet kapi Amobotnanaŋ iŋŋaŋ zeyeen keyegak nin sakwalamti diindonup. Amobotnanaŋ gilik pemkobe kan keyet am aligaŋ am itnanaŋ gakikiŋaŋ ekŋengat damuŋ tapmann ekŋenaŋ am sumengatnan ŋeŋaŋ wabep. ¹⁶ Amobotnanaŋ iŋŋaŋ kululuŋengataŋ kopmambe am ningat zet busup kuwe ma Kawawangalen ensel ŋeŋaŋ bembeyaŋ kwizet kume Kawawaŋaŋ lumun temaŋ kumbuwe. Kilaisiyaŋ topme am ek nâmkĩŋpemamti gakikiŋaŋ ekŋenaŋ ŋeŋaŋ am sumengatnan wapmâbep. ¹⁷ Wapme wapme keyegak Kilais nâmkĩŋpepeŋaŋ alik tabanup nin ma am gakikiŋaŋ ekŋen nsakwep lumaŋ moti mungulubugen gwaen Amobotnaŋ aikbanup. Mtingut nin ekmak kwesiŋ mepmamambanup. ¹⁸ Kogogapm zet kapi zenâmti ilinak nâmkĩŋpepeen dopmaŋ mukulem dopmaŋ mukulem mti mamambep.

Amobotnanaŋ kobe keyet damuŋ tabep

5¹ Kilaismagen notnne, kwitnaŋ kwitnaŋ kapi sokbewe keyet kan nin ku nânup. Keyepmti nin Zisas kan keyet penaŋ kobe ke zemâtâti ku kum indasenup. ² Amobotnaŋaŋ kosât mbe kan keyet egaŋ am kambu titi ekŋenaŋ kambu tisât pempetuk makolip sepem kegogak egaŋ pempetuk timkwabe. ³ Amnaŋ pigok zewep, “Kan pi ninmagen mamasiyaŋ weme keyepmti totatat pembedaŋ tatnup.” Kegok zemti tapmnepe me kan keyegak kasa tunŋuwinan sokbeme ekŋenaŋ ŋep ku kunzunŋep. Imbi kambakmagaŋ tatneta nempa sindemaŋ pempetuk masokbembindaŋ sepem kegok sokbembindaŋ. ⁴ Kilaismagen notnne, in kwitnaŋ kwitnaŋ sokbewe keyet yaŋaŋ ku kandalip. Keyepmti in manepeme Amobotnaŋaŋ kobe kan keyet in ku endilipewep. Am ekŋenaŋ nânâpiŋ tapmetnepeme an kambu titi ŋenaŋ kopme ekti maendilipeip sepem kegok ku mbep. ⁵ Nin msayet sosok mamti mama mimi pembedaŋ maminup. Wa nin am

tambuyet enzilim mamti mama mimi bekanaj mamip ekjen kebonj yek
⁶keyepmti in ekseperj mambep. In am notnaj ekjenaj muluk maweip
 kekok ku mambep. In Kilais kokotnangat damuj ekseperj kaik tabep. Am
 tu katiknaj nimti sebelin sukraj beme mulukgat manzalim talip kekok
 ku mbep. ⁷Am muluk weweyelen ekjenaj tambuyet muluk mawep ma
 am nânâjinpinj ekjenaj tambuyet tu katiknaj nimti kenjin kilej beme
 tambu sutnan kaliyan kwisagat matalip. ⁸In msayetgalen am keyepm
 nin tu katiknaj nimti ken kilom ku mbanup. Nin nâmkijpepe ma am
 notnangat gogot mimi keyaj mowenok sembe mti mambanup. Kawawaj
 yomengatnan angalañdewe ke aiikgalen webem mama keyaj sipakandak
 bundujinok beme munduj mambep. ⁹Kawawaj nin wa sek sindem
 ndamti ndawalalatgat ku ndaombemndeye. Egan Amobotnajj Zisas
 Kilaisiyet pembenangapmti teziñ ñandangalen selengatnan gilik zemti
 ndatitiyet ndaombemndeye. ¹⁰Nâip, eganj nin ekmak mot mamayet nâmti
 ningat mti gakiye. Keyepmti nin ewe alik mambanup ma gakiwanup beme
 eganj kobeen nin nsakwep ilindiñ ndatime mopmâbanup. ¹¹Keyepmti in
 sepem mamip kegogak nâmkijpepejinan notnajaj notnaj gwatnaj mpem
 notnajaj notnaj gwatnaj mpem mti mukulem mukulem mti mambep.

¹²Kilaismagen notnne, in damujine tunguwinan mamti mulup
 windejanbej mamip ekjengat nâme mobotnaj beme zelin gawepumti
 ekjengat kandaninan mtot mambep. Ekjen keyaj mama mimi dolaknaj
 zikat indamti zemusuwetindeme in ke mâti mimiyet nâmti Amobotnajaj
 iknaj ombemindeye. ¹³Ekjen keyaj ingat tunguwinan mulup mamip
 keyepmti in ekjengat nâmindeme mobotnaj igagen penaj beme gogot
 mimindewep. Mti ilinangat tunguwinan mamasiyaj weweyet eyo
 mulupmaj kaliñaj mbep.

¹⁴Kilaismagen notnne, nin in pigok penaj mimiyet diindosâpmnup. In
 am wisatoj ekjen an keñoo mimindewep ma am kingapej maip ekjen
 zemgwatnaj mimindeme windejinbej tabep. Ma am sugak sugak maip
 ekjen indamukulem mimindewep. Mti am sambe ekjenmak sewaknaj
 palen etaj mambep. ¹⁵Nâip, in am ñenaj myungum indame in dopmaj
 sepem kegogak ku mimindawep. In ilinangat tunguwinan mama mimi
 dolaknaj etaj mti eyetnaj am notnaj ekjenmak sepem kwep kegogak
 mmambep.

¹⁶Kan kataj olojen palen mambep. ¹⁷Mti tambu msa dundupen
 mamambep. ¹⁸In Kilais Zisasiyet zapat mamaip keyepmti in nuknaj
 palen mamti Kawawangat wisikj zepenj mimiyet nâmtiknaj mam.

¹⁹In Emetak Teñaj ammagen mulupmaj msâpmme e ku mautukek
 pemambep. ²⁰In amnaj Kawawajmagengatnaj zet matimzep. Zet ke
 zemtalatpemt windejan ku mtot pewep. ²¹⁻²²In zet sambe nâmtimti
 weyaj mendesim ekti pembenaj weyaj mimkitikpemtmtati bekanaj
 notnaj bee time mepmâbe.

²³Neŋ Kawawaŋ an keŋ sewaktoŋ egaŋ in indapmme kwetetepmaŋ bembeyet nâmti egat mandunduyap. Egaŋ in indadamuŋ mme nâmamariŋ ma keŋin ma sekŋin esemteŋ kakanemuŋak manepeme Amobotnaŋŋ Zisas Kilaisiyaŋ kobe. ²⁴Kawawaŋaŋ am ikaŋaŋgat nemunambaŋane penaŋ bemti mamayet zetik mimindeye keyet penaŋaŋ elak in eyo ke sokbemti mamaip.

²⁵In nin Kawawaŋaŋ ndamukulem mimiyet nâmti kegogak dunduwep.

²⁶Âpme nâgât weŋnok in Kilaisiyelen dapmelaŋge notnaŋ maip ekaŋen ke notn mimindemti indamukum belin butemindewep.

²⁷Âpme neŋ Amobotnaŋgat zikatnan pigok zemkatikbeyap. In zapat meluwaŋ kumbema kozin kapi mti Kilaisiyelen dapmelaŋge sambe ke maip ekaŋen makumindame nâme delaŋ zewe.

²⁸Amobotnaŋŋ Zisas Kilaisiyelen keŋ taolelaŋ inmak kwesiŋ wemeti wembe.